



Xunta Xeneral  
del Principáu d'Asturies

GRUPU PARLLAMENTARIU MESTU



Junta General del Principado  
de Asturias

12930 03.NOV.2010 11:36

REGISTRO DE ENTRADA

## A LA MESA DE LA XUNTA XENERAL DEL PRINCIPÁU D'ASTURIES

Roberto Colunga Fernández, Diputáu del Bloque por Asturias y Portavoz del Grupu Parllamentariu Mestu, al amparu de lo dispuesto nel artículu 210 y siguientes del Reglamentu de la Cámara, tien l'honor de formular a la Conseyera de Cultura y Turismu del Gobiernu del Principáu d'Asturies les **PREGUNTES** que vienen darréu al rodiu de la llingua asturiana, pa les que desea respuesta por escrito:

1. ¿Por qué la Consejería da la mesma subvención a Conceyos que tienen abiertu un Serviciu de Normalización Llingüística (SNL) durante tol añu qu'a otros que lu piesllen tolos años, cuando un SNL necesita continuidá y, amás, en muchos casos coincide cola solicitú y xustificación de subvenciones?
2. ¿Qué se fai pa evitar l'agraviu comparativu d'un Conceyu como Mieres que tolos años pieslla'l SNL durante meses?
3. ¿Por qué se da una subvención nominativa pa funcionamientu de los SNL y non un conveniu ente'l Principáu y los Conceyos, figura que permitiría esixir el cumplimientu d'unos mínimos en cuantes a normalización llingüística?
4. ¿Por qué s'apará l'aprobación d'un modelu de conveniu ente'l Principáu y los Conceyos pa regular los SNL y que yá taba redactáu y a la espera de la so tramitación nel últimu Conseyu de Gobiernu nel 2007 y que diba ser una manera eficiente pa evitar que dellos SNL piesllen varios meses cada añu a la espera de que s'aprueben les subvenciones?
5. ¿Cuántes reuniones de coordinación hebo nesta llexislatura ente los SNL de los Conceyos, la Dirección Xeneral de Política Llingüística o la Oficina de Política Llingüística, cola directora xeneral o cola xefa de la oficina?
6. ¿Por qué la Rede de Normalización Llingüística nos Conceyos, creada pola Consejería de Cultura nel 2004, nun tien entidá xurídica y namás esiste d'ella un logotipu? ¿Por qué nun s'usa esa ferramienta que diba afitar los SNL, dar más continuidá a la normalización, más puxu a les campañes, una imaxe común, más implicación de responsables políticos, etc.?